

## CYNGOR GWYNEDD

ADRAN 48 DEDDF SAFONAU A THREFNIADAETH YSGOLION (CYMRU) 2013

### RHYBUDD O GYNNIG I GAU YSGOL LLANAELHAERN

CYNGOR GWYNEDD, SWYDDFA'R CYNGOR, CAERNARFON, GWYNEDD, LL55 1SH

Hysbysir drwy hyn yn unol ag adran 43 o Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion fod Cyngor Gwynedd, ar ôl ymgynghori â'r cyfryw bersonau ag sy'n ofynnol, yn cynnig cau YSGOL LLANAELHAERN, Llanaelhaearn, Gwynedd LL54 5AL. Cynhelir yr ysgol gan Gyngor Gwynedd.

Cynhaliodd Cyngor Gwynedd gyfnod ymgynghori cyn penderfynu cyhoeddi'r cynnig hwn. Mae adroddiad ar yr ymgynghoriad sy'n cynnwys crynodeb o'r materion a godwyd gan ymgynghorai, ymatebion y cynigwyr a barn Estyn ar gael ar [www.gwynedd.llyw.cymru/moderneiddioaddysg](http://www.gwynedd.llyw.cymru/moderneiddioaddysg).

Cynigir gweithredu'r cynnig ar **31 Awst 2020**.

Yn ddarostyngedig ar ddewis rhieni bydd disgyblion cyfredol Ysgol Llanaelhaearn yn trosglwyddo i Ysgol Bro Plenydd, Y Ffôr, Gwynedd, LL53 6UP ar 1 Medi 2020. Mae yr ysgol yn Ysgol Gymuned Cyfrwng Cymraeg i enethod a bechgyn 3 i 11 oed wedi ei leoli yng nghanol pentref Y Ffôr.

Bydd dalgylch Ysgol Bro Plenydd o Fedi 2020 yn cynnwys dalgylch yr ysgol fel ag y mae heddiw, a dalgylch Ysgol Llanaelhaearn. Yr awdurdod mynediad ar gyfer Ysgol Bro Plenydd, sef ysgol 3-11 fydd Cyngor Gwynedd a bydd disgyblion yn cael eu derbyn i'r ysgol gan Gyngor Gwynedd yn unol â'i Bolisi Mynediad. Bydd y trefniadau mynediad i'r Ysgol yn cael eu gwneud heb gyfraniad at allu na medr (bandio disgyblion).

Bydd cludiant yn cael ei ddarparu i'r ysgol yn unol â Pholisi Cludiant Ysgolion Cyngor Gwynedd, a bydd darpariaeth trosiannol cludiant ar gyfer disgyblion sydd wedi eu cofrestru yn Ysgol Llanaelhaearn ar ddyddiad y rhybudd yma, i Ysgol Bro Plenydd neu i Ysgol Chwilog.

Cyngor Gwynedd yw'r awdurdod cynhaliol a Chyngor Gwynedd fydd yn gweithredu'r cynnig yma.

Mae'r cynnig hwn wedi ei lunio o ganlyniad i'r angen i gyfarch y niferoedd isel o ddisgyblion sy'n mynychu Ysgol Llanaelhaearn ac o ganlyniad, maint bychain y dosbarthiadau, yn ogystal â rhagamcanion isel o niferoedd i'r dyfodol. Nid oedd yr un o'r opsiynau eraill a adnabuwyd ar gyfer yr ysgol, gan gynnwys ffederaleiddio, yn mynd i'r afael a hyn. Fel canlyniad ystyrir mai cau'r ysgol yw'r ymateb mwyaf priodol.

Gall unrhyw un wrthwynebu'r cynigion cyn pen cyfnod o 28 diwrnod o ddyddiad cyhoeddi'r cynigion hyn, hynny yw erbyn **3 Ebrill 2020**.

Dylid anfon gwrthwynebiadau ysgrifenedig at sylw'r Pennaeth Addysg, Cyngor Gwynedd, Swyddfa'r Cyngor, Caernarfon, Gwynedd, LL55 1SH neu drwy anfon neges e-bost at sylw'r Pennaeth Addysg i [moderneiddioaddysg@gwynedd.llyw.cymru](mailto:moderneiddioaddysg@gwynedd.llyw.cymru).

Llofnodwyd:

Garem Jackson

Y Pennaeth Addysg, ar ran Cyngor Gwynedd  
Dyddiad Cyhoeddi: **5 Mawrth 2020**

#### NODYN ESBONIADOL

(Nid yw'r isod yn rhan o'r rhybudd ond mae'n cynnig esboniad o'i bwrpas)

Yn dilyn proses ymgynghori, mae Cyngor Gwynedd yn cynnig cau Ysgol Llanaelhaearn ar 31 Awst 2020, a bydd lle yn cael ei ddarparu i'r disgyblion yn Ysgol Bro Plenydd, Y Ffôr o'r 1af Medi 2020.

Yn unol â pholisi mynediad yr Awdurdod, mae gan rieni hawl i wneud cais mynediad (neu gais i drosglwyddo) i unrhyw ysgol. Bydd darpariaethau trosiannol cludiant ysgol am ddim mewn lle i'r disgyblion hynny sydd wedi eu cofrestru yn Ysgol Llanaelhaearn ar ddyddiad y rhybudd yma, i Ysgol Bro Plenydd, Y Ffôr neu Ysgol Chwilog, os ydynt yn byw dros 2 filltir oddi wrth yr ysgol a ddewisir, neu yn gymwys i dderbyn cludiant am ddim oherwydd natur y ffordd o'r ysgol a ddewisir, yn unol â'r polisi cludiant cyfredol. Byddai hyn yn drefniant dros dro am weddill eu cyfnod yn yr ysgol.